



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

§. V. An Ordinarius, Regulares Exemptos, suspendere possit à  
Concessionibus audiendis?

---

[urn:nbn:de:hbz:466:1-73031](#)

Not. 2. cùm approbatio non sit actus Ordinis, Episcopum posse illam conferre per Vicarium, vel alium quemvis deputatū.

Not. 3. examen, in Ordine ad approbationem, non esse absolutè necessarium, modò aliunde de Sacerdotis aptitudine ad confessiones audiendas prudens judicium formari possit, colligitur ex Trident. *sup. inn. 2414.*

Not. 4. approbationem concedi posse cum restrictione ad certum genus personarum, certum locum, & tempus, quando justa causa occurrit.

Not. 5. non teneri Episcopum stare iudicio cuiusvis alterius Ordinarij pro sua diœcesi, in qua possunt esse difficultates alijs non communes; si tamen Episcopus tantum ostendat se contentum aliorum approbatione, Sacerdos aliâ non indigebit; sin minus, in validè absolvet.

Not. 6. Parochum, aut alium, ob magnum populi ad se accusum, non posse ad audiendas confessiones sibi asciscere alium Sacerdotem, vel Regularem, vel sacerdotem, non approbatum ab Ordinario loci, in quo fit confessio; secus taliter approbatos; constat ex *Constit. Clementis X.* de qua n. 2426. & tradit Andreas Mendo in *Statera opinionum benignar. dissertat.* 1.

*q. 5. n. 76.*

Not. 7. ab eod. n. 77. tradi, Regularem ab Episcopo unius diœcesis approbatum, si hic ad aliam diœcesin promoveatur, indigere nova approbatione ipsius ad audiendas confessiones in illa; quia per priorem non verifieatur, eum esse approbatum ab Ordinario loci, in quo fit confessio.

Not. 8. non licere Episcopo, Sacerdoti idoneo, sine justa causa, approbationem denegare; quia approbatio non est gratia arbitria, sed est testimonio authenticum de aptitudine personæ, ut illi ad confessiones audiendas jurisdictione conferatur; ergo cùm Sacerdotes ad illud munus sint Ordinati, non possunt sine injuria ab eo repelli, si debitâ doctrinâ, & prudentia instructi inveniantur. Ubi tamen nota, quod, si Sacerdos idoneus etiam injustè reprobatus fuerit, non potest validè à peccatis absolvere. Quia negatio iusta approbationis, non est approbatio; Tridentinum autem ad validam à mortali bus absolutionem Ordinarij approbatio-

*Tom. I.*

nem requirit. *Non obstantibus*, inquit, *privilegijs*; ubi tamen nota, quod dicitur de doctrina in approbando, debere etiam intelligi de moribus, ac probitate vita. V. num. 2792.

## Q. V.

*An Ordinarius, Regulares Exemptos, suspendere possit à Confessionibus audiendis?*

2444  
**A**pprobationem priùs concessam, posse denuo revocari ab ipso approbante, vel ejus successore, si approbatus evadat *indignus*, communis tenet; & ratio est; quia, si persona evadit inidonea, cessat declaratio authenticâ de illius idoneitate; evadit autem inidonea, si in honeste, ac scelerate vivat, aut pravi exempli sit, cùm præcipua Ministri Sacramenti Pœnitentiae qualitas sit integritas vita, ac morum honestas, ut expresse habetur in *cit. Constit. Clement. X.* §. 6. ubi dicitur, *hanc ipsam qualitatem esse causam, quæ ad confessionis Ministerium pertinet, sic, ut ob ejus defectum Episcopus Regulares, à semetipso approbatos, suspendere, aut repellere à confessionibus audiendis possit.*

2445  
 Quæstio tamen est 1. an valida sit approbationis revocatio, si eam alicui datam Episcopus absque justa causa faciat? Negativam valde probabiliter sequitur Castropal. cit. quia stante idoneitate personæ per iudicium, & testimonium authenticum Episcopi declarata non modò non prudenter, imò nec licite, nec validè idoneitatis declaratio mutari potest; alias Episcopi jurisdictione non in ædificationem, sed ruinam foret. Hinc merito docet Castropal. *cit. p. 17. §. 3. n. 5.* Episcopum Presbytero sacerdotali, vel Regulari examen, & approbationem negare non posse, si ex odio, alióve iniquo fine moveatur; tum quia id adversatur charitati, & Religioni; tum quia alienum est à munere Episcopali. Minus autem approbationem negare potest reperto per examen idoneo; tum quia, non approbando talem, saltem consequenter, & facto declararet ineptum, quod est in tali casu falsum, tum quia iuste petenti, vi muneric, & officij sui, tenetur adjudicare postulatum, secundum meritâ causæ; sic ille, plura subiungens à n. 7.

*Aa aa*

*Quæ-*

2446. Quæstio est 2. an, & qualiter Episcopus approbationem alicui, à se datam, simpliciter possit revocare? Ex justa causa, pertinente scilicet ad confessiones, posse revocare, jam ex dictis constat n. 2444. Secus eā seclusa per n. 2445. Coeterū qz. 1. Regulares, ad Confessiones audiendas, prævio examine, *simpliciter*, & absque ulla temporis præfinitione ab ipsomet Episcopo approbatos, non posse ab eodem, qui sic approbavit, iterum examinari, aut ab eisdem confessionibus audiendas suspendi, nisi nova causa, pertinente ad confessiones (de qua n. 2444. dictum est) superveniente; ita communis *ex motu proprio* Pij V edito 1571. ac incipiente: Romani Pontificis, de quo V. Castropol. cit. p. 17. §. 4. n. 13. & habetur etiam in Constitut. Clement. X. §. 5. incip. *super na magni*.

Dixi, *prævio examine*; nam ad hæc verba notat Castropol. cit. n. 13. ex Suarez tom. 4. de Panit. D. 28. S. 8. n. 5. si nullo examine præcedente aliquem Regulari Episcopos approbaverit, posse ab illo etiam examini subjici; ubi tamen notandum ly, *nullo*. Nam si, ut fieri solet in Societate, domi examinatus, per viros intelligentes idoneus judicatus, ac *ut talis*, Episcopo præsentatus, probè gnaro, non præsentari, *ut tales*, nisi revera instructos idoneitate ad hoc munus, simpliciter approbetur, non verificatur, quod approbatus sit *nullo examine* præcedente. Dixi: Regulares *simpliciter* approbatos ab ipsomet Episcopo non amplius revocari posse ad examen, aut suspendi à confessionibus audiendas, nisi superveniente nova causa, pertinente ad confessiones. Nam, si quidem simpliciter approbati essent, sed non ab ipsomet Episcopo, examine prævio, vel solum ab ejus Vicario, aut moderni Episcopi antecessoribus, contrarium tenendum videtur ex cit. Constit. Clement. X. §. 5. ibi: *Regulares vero ad ejusmodi confessiones audiendas prævio examine, simpliciter, & absque ulla temporis præfinitione ab ipsomet Episcopo (secus autem ab ejus Vicario, aut ab Antecessoribus Episcopis) approbatos, non posse ab eodem, qui sic approbavit, iterum examinari, aut ab eisdem confessionibus audiendas suspendi, nisi nova superveniente causa, que ad confessiones audiendas pertineat.*

2447. Ex hoc enim videtur sequi, Regulares

posse revocari ad examen, vel à confessiōnibus audiendis suspendi per Episcopum, licet ab ejus Vicario, vel Antecessoribus Episcopis prævio examine (non autem ab ipsomet) approbati sint simpliciter, & sine ulla temporis limitatione. Verum hoc adeò *indefinitè* non sequitur. Primo enim, si Regulares, specialiter præsentati Episcopo, cum attestatione præmissi examinis, per ejus Vicarium simpliciter approbati sunt, Episcopo ad talēm præsentationem id demandante Vicario, censetur prævio examine approbati ab ipsomet Episcopo; sic enim non utsunque generaliter, sed specialiter agit per suum Vicarium; consequenter per se ipsum approbasse censetur. Secundò non procedit etiam in hoc casu, nisi superveniente nova causa, pertinente ad confessiones; cuius ratio sumitur ex n. 2444. Censetur autem *nova causa superveniens*, & ad confessiones pertinens, si taliter approbatus, vel physicè, vel moraliter inidoneus fiat: *Physicè*, si fiat surdus, aut mutus; *moraliter*, si scandalosè vivat, pœnitentes in errores inducat, vel seducat vitæ licentiā &c. ut constat ex dict. supr. Et quamvis Zenedo de Quæst. Canon. q. 26. n. 14. ac Fumus, V. *Absolutio* n. 23. censeant, approbationem, datam Regularibus, nullatenus revocari posse, non solum ab ipso approbante, sed etiam ab ejus successore: hoc tamen intelligendum est, *absque nova superveniente causa, que pertineat ad munus audiendi confessiones*, ut (prædicta) constat etiam ex declarat. Congregationis Cardinal. apud Barbos. p. 2. de Potest. Episcop. allegat. 25. n. 30.

Quæstio est 3. an integer Conventus, vel Collegium Regularium, à confessiōnibus audiendis, suspendi per Ordinarium possit? qz. inconsulta Sede Apostolica, nullatenus posse, ut constat ex cit. Constitut. Clement. X. §. 6. id, quod etiam expressè habetur in dicta declaratione Congregationis Cardinal. T. quo sequitur, quod Ordinarij locoru., edicto suo generali, non possint nunc nullatenus, Religiosis omnibus, suspendere approbationem, semel factam, nisi denuò examinentur; sic Castropol. cit. p. 17. §. 4. n. 14. Ratio est, quia ceteroquin omnibus simul in eodem Conventu, vel Collegio facultas audiendi confessiones adempta foret; id quod E-  
piscopi

piscopi nullatenus possunt, etiam ut delegati Papæ, inconsulta Sede Apostolica, ut constat ex dict. hoc num. quibus positis:

Ad objectionem in n. 2443. &c. antecedens omnino haberi in Constit. Clement. X. ibi relata; sed procedere solum, quando prius approbatos suspendit à confessionibus audiendis propter novam causam supervenientem, concorrentem munus Confessarij; non autem, quando negat approbationem petenti; à suis Superioribus presentato; quia ibi nulla sit mentio de hoc casu, rejiciendi ab approbatione nondum concessa, & primum concedenda; hinc meritò negatur consequentia; cùm ea Constitutio sit odiosa, nimis restrin gens privilegia Regularium Exemptorum, quæ simpliciter favorabilia sunt, utpote fundata in favore Religionis.

## §. VI.

An Exempti, Legi jurisdictionis Ordinariorum, subsint quoad punitionem.

**Q**uestio procedit in casu, quo delinquerent in loco non exempto; pro quo videtur indefinitè affirmandum, ut insinuatum est n. 2402. &c. 1. ex Trid. sess. 6. de Reform: c. 3. ubi dicitur, nullum Regularē, extra Monasterium degentem, etiam sui Ordinis privilegij praetextu, tutum censeri, quo minus si deliquerit, ab Ordinario loci, tanquam super hoc à Sede Apostolica delegato, secundum Canonicas Sanctiones visitari, puniri, & corrigi valeat. Secundō, ex c. Volentes, de Privileg. in 6. ubi habetur: exemptos ratione delicti, contractū, aut rei, si hæc sint initia, vel sita in loco non exempto, convenientes coram Ordinario; quod Capitulum in Trid. sess. 7. de Reform. c. 14. non modò confirmatur, & innovatur; sed etiam extenditur, ut procedat etiam in cœlibib⁹ causis mercedum, & miserabilium personarum. Tertiō, ex eod. Trid. sess. 25. de Regularib. c. 14. ubi dicitur, quod Regularis exemptus, delinquens extra claustrum, si à Superiore, instante Episcopo, non puniatur, posse ab Episcopo puniri. Loquitur autem de delicto, ita notorio, ut populo scandalo sit.

Nec juvat, si cum Cajetano, Navarro,  
Tom. I.

D. Antonino, Sylvestro, & alijs apud Sanchez relatis lib. 6. Consil. moral. c. 9. d. 1. nu. 24. dicas, dicto Capitulo, volentes, per privilegia Mendicantium derogatum esse; nam, ut rectè notat cit. Sanchez, huic responsioni clarè obstat Tridentinum proxime relatum, innovans dictum capitul. & in fine addens: privilegijs, & exemptionibus, adversus præmissa, non valituriſ. Neque dici potest cum Henriquez l. 7. de Indulgent. c. 25. lit. O. quod derogato c. volentes, censeatur etiam derogatum illud decretum Trident. sess. 7. c. 14. de quo supra. Nam hoc dici non potest, nisi concedatur derogatio c. volentes, concessa post Trid. at hoc dici nequit; quia illa est multò antiquior isto; 2. Tridentinum expressè illud innovat, & post hanc innovationem nihil invenitur, quo ea derogetur; his non obstantibus.

Resp. per cit. c. volentes ( quod concedendo manere in suo tobore ) nihil concludi contra Regulares exemptos exemptiones personali quoad in ipso contenta; ita Sanchez cit. num. 25. & alij, de quibus infra. Prob. quia in cit. c. volentes, Q. 6. eos autem; expreſſe dicitur, quod in eos ( qui, ne interdic, suspendi, vel excommunicari à quoquam valeant, privilegio Sedis Apostolice habent ) Ordinarij ( de quibus ibi ) jurisdictionem suam, quantum ad istas ubi cung, illifuerint, penitus exercere non possint; cùm ergo quoad ea, in quibus privilegium habent exempti; contra personas exemptas personaliter, ubicunque delinquent, Ordinarij jurisdictionem suam exercere non possint, necessariò prior pars dicti Capituli, exemptos subjiciens, quoad visitationem, correctionem, vel punitionem &c. si contrahant, vel delinquent extra locum exemptum, intelligi debet de exemptis exemptione solum locali. Et ita tenet expreſſe Covarr. quest. pract. c. 11. n. 5. quem citat, & sequitur Barbosa in cit. c. volentes nu. 3. quod maximè verum vult, ubi exemptione ita ampla, & absoluta est; ut in omnibus, & per omnia concessa dicatur non obstante quocunque Ordinariorum præjudicio; ita, ut nulla detur conjectura, quæ restrictionem aliquam concludat. Confirmari potest ex jis, quæ habentur cit. §. In eos autem, ubi dicitur, Ordinariorum jurisdictionem quoad illos cessare in ordine ad censuras, quando Monasterium pri-

2452.